



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 19 » mart

№ 152

Toshkent sh.

“Маҳаллабай” ишлаш тизимини амалиётга жорий этиш ва аҳолининг тадбиркорлик ташаббусларини янада қўллаб-қувватлаш чора-тадбирлари тўғрисида

Ўзбекистон Республикаси Президентининг 2021 йил 3 февралдаги ПФ-6155-сон Фармони билан тасдиқланган 2017 – 2021 йилларда Ўзбекистон Республикасини ривожлантиришининг бешта устувор йўналиши бўйича Ҳаракатлар стратегиясини “Ёшларни қўллаб-қувватлаш ва аҳоли саломатлигини мустаҳкамлаш йили”да амалга оширишга оид Давлат дастури ижросини таъминлаш ҳамда 2021 йилда аҳолининг даромад топишга қаратилган тадбиркорлик интилишларини молиявий қўллаб-қувватлал, худудларда “маҳаллабай” ишлаш тизимини жорий этиш орқали аҳолининг даромадли меҳнат билан бандлигини таъминлаш механизmlарини янги босқичга олиб чиқиш, ёшлар ва хотин-қизларнинг тадбиркорлик ташаббусларини амалга оширишга молиявий кўмаклашиш мақсадида Вазирлар Маҳкамаси қарор қиласи:

1. Ўзбекистон Республикаси Иқтисодий тараққиёт ва камбағалликни қисқартириш вазирлиги (кейинги ўринларда – Иқтисодий тараққиёт вазирлиги) Марказий банк, Қорақалпоғистон Республикаси Вазирлар Кенгashi, вилоятлар ва Тошкент шаҳар ҳокимликлари, вазирликлар ва идоралар ҳамда тижорат банклари билан биргаликда ҳар бир маҳаллада қуидаги устувор йўналишларни назарда тутувчи **янгича ишлаш** тизимини жорий этсин:

оилаларнинг даромад манбаларини, шу жумладан, томорқа ерлардан фойдаланиш ҳамда даромадли меҳнатга бўлган интилиши ва эҳтиёжларини “хонадонбай” ўрганиш;

банд бўлмаган аҳолининг, айниқса, ишсиз ёшлар ва хотин-қизларнинг муаммоларини ўрганиш орқали уларни касб-хунар ва тадбиркорликка ўргатувчи курсларга йўналтириш ва меҳнат фаолияти билан шуғулланишга амалий кўмаклашиш;

ёшларнинг тадбиркорлик ташаббуслари ва стартап ғояларини янада қўллаб-қувватлашга қаратилган кредитлар ажратиш;

маҳаллаларнинг “ўсиш нуқталари”ни (ихтисослашув йўналишларини) аниқлаш ва янги тадбиркорликни, шу жумладан, “драйвер” лойиҳаларни амалга оширишда ташаббускорларга кўмаклашиш ва шу орқали иқтисодий ўсишни таъминлаш;

мавжуд имкониятларни (бўш турган бинолар, фойдаланилмаётган ер майдонлари ва бандликнинг анъанавий соҳалари) ўрганиш ва улардан самарали фойдаланиш орқали жойларда тадбиркорлик, инвестициявий ва рақобат муҳитини яхшилаш;

самарадорлик ва даромадлилик тамойилларидан келиб чиқиб, тадбиркорларга **сифатли хизмат кўрсатиш, маслаҳат бериш ва бизнес-режаларни тайёрлаш** учун банкларнинг қуи бўғин ходимларини тўлиқ қайта тайёрлаш орқали **мижозга йўналтирилган хизмат кўрсатиш** (“мижозбай” ишлаш) тизимини такомиллаштириш;

жойларда тадбиркорлик фаолиятини амалга оширишга тўсиқ бўлаётган (ер ажратиш, қурилиш учун рухсат бериш, турли хил фаолиятлар учун лицензия олиш, бўш бино ва ер майдонларини тадбиркорлик учун ажратиш, коммуникация тизимларига уланиш) муаммоларни тезкорлик билан ҳал этиш.

2. “Маҳаллабай” ишлаш тизимини самарали ташкил этиш мақсадида қуйидагилар:

Республика ҳудудларида “маҳаллабай” ишлаш тизимини ташкил этиш бўйича республика комиссияси (кейинги ўринларда – Республика комиссияси) таркиби 1-иловага мувофиқ;

“Маҳаллабай” ишлаш тизимини ташкил этиш ва амалга ошириш тўғрисидаги вақтингчалик низом (кейинги ўринларда – Вақтингчалик низом) 2-иловага мувофиқ тасдиқлансин.

3. Республика комиссияси:

a) **2021 йил 10 апрелга қадар:**

маҳалла фуқаролар йигинлари ходимлари ва фаоллари билан биргаликда оиласларнинг даромад манбаларини, даромадли меҳнатга бўлган эҳтиёжларини “хонадонбай” ҳамда тадбиркорларнинг муаммоларини “мижозбай” ўрганиш ва муаммоларни тезкор ҳал этиш бўйича – ҳар бир маҳаллага тижорат банкларининг туман (шаҳар) филиалларидан бир нафар доимий вакил (кейинги ўринларда – доимий вакил) бириктирилишини;

маҳаллаларнинг “ўсиш нуқталари”ни аниқлаш, банд бўлмаган аҳолининг, айниқса, ишсиз ёшлар ва хотин-қизларнинг касб-хунар ва тадбиркорликка ўргатиш орқали меҳнат билан бандлигига кўмаклашиш, маҳаллаларда тадбиркорлик, инвестициявий ва рақобат муҳитини яхшилаш ҳамда “драйвер” лойиҳаларни амалга ошириш бўйича – ҳар бир сектор ҳузурида бошқарув оғислари (кейинги ўринларда – бошқарув оғиси) ташкил этилишини;

маҳаллалардаги муаммоларни тезкор ҳал этиш, бошқарув оғислари ва доимий вакилларнинг фаолиятини мувофиқлаштириб бориш бўйича – туман (шаҳар) ҳокимларининг молия-иқтисодиёт ва камбағалликни қисқартириш масалалари бўйича биринчи ўринбосари раҳбарлик қиладиган мувофиқлаштирувчи гурухлар (кейинги ўринларда – мувофиқлаштирувчи гурух) шакллантирилишини таъминласин;

б) 2021 йил 15 апрелга қадар:

маҳалла паспортлари, маҳаллаларда ўтказиладиган сўровномалар, маҳаллани комплекс ривожлантириш дастурларининг намунавий шаклларини ишлаб чиқсин ва доимий вакилларга, бошқарув оғисларга ва мувофиқлаштирувчи гуруҳларга етказсин;

доимий вакиллар, бошқарув оғислари ва мувофиқлаштирувчи гуруҳлар томонидан Вақтинчалик низом бўйича ишлар олиб борилишини ташкил этсин;

в) 2021 йил 20 апрелга қадар ёшлар ва хотин-қизлар билан ишлаш, шу жумладан, уларни тадбиркорликка ўқитиш, тадбиркорлик фаолиятида юзага келаётган муаммоларни ўрганиш орқали уларга амалий кўмаклашиш юзасидан комплекс чора-тадбирларни белгиласин;

г) Республика комиссияси республика ва ҳудудий давлат бошқаруви органлари, Қорақалпоғистон Республикаси Вазирлар Кенгаши, вилоятлар, туман (шаҳар)лар ҳокимликларига ҳамда тижорат банкларининг раҳбарларига “маҳаллабай” ишлаш тизимини жорий этиш жараёни доирасида тегишли кўрсатмалар бериш ва улар фаолиятини мувофиқлаштириб бориш бўйича ваколатли ҳисоблансин;

д) доимий равишда жойларда “маҳаллабай” ишлаш тизимини самарали жорий этсин ҳамда ушбу вазифаларни амалга ошириш учун масъул эканлиги белгилансин;

е) ҳар бир маҳаллада тадбиркорлик фаолиятини янада кенгайтириш орқали янги иш ўринлари яратиш бўйича амалга ошириладиган чора-тадбирларни мувофиқлаштириб борсин;

ж) амалга оширилган ишлар юзасидан ҳар ойда Вазирлар Маҳкамасига ахборот киритиб борсин;

з) Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимлари билан биргаликда **2021 йил 1 декабрга қадар** Вақтинчалик низомни амалиётда қўллаш натижаларини таҳлил қилсин ва уни янада такомиллаштириш юзасидан Вазирлар Маҳкамасига асосланган таклифлар киритсин.

4. Белгилансинки, “маҳаллабай” ишлаш тизими бўйича жойларда амалга оширилган ишлар тўғрисида барча турдаги ҳисботлар ва ахборотлар Иқтисодий тараққиёт вазирлиги томонидан умумлаштириб борилади, бу борадаги ҳисботлар ва ахборотлар Иқтисодий тараққиёт вазирлиги билан келишилган ҳолда манфаатдор вазирликлар ва идоралардан олинади.

5. Ўзбекистон Республикаси Президенти ҳузуридаги Давлат бошқаруви академияси Савдо-саноат палатаси билан биргаликда **бир ҳафта муддатда:**

“маҳаллабай” ишлаш тизимини ташкил этиш бўйича **методик қўлланма ва ўқув дастурларини** ишлаб чиқсин ва Республика комиссиясига, Қорақалпоғистон Республикаси Вазирлар Кенгаши, вилоятлар, туман (шаҳар) ҳокимликларига, маҳалла фуқаролар йигинларига етказиш;

ихтисослаштирилган олий таълим муассасаларининг профессор-үқитувчиларини жалб қилган ҳолда маҳаллаларга бириктирилган доимий вакилларни, туман (шаҳар)лардаги бошқарув офислари масъулларини ва мувофиқлаштирувчи гуруҳ аъзоларини ўқитиш бўйича режа-жадвал тузсин ҳамда ўқитиш жараёнини ташкил этиш чораларини кўрсинг.

6. “Микрокредитбанк” АТБга:

бир ой муддатда ёш тадбиркорларнинг ташаббуслари, стартап ва инновацион ғояларини йиғиши, таҳлил қилиши ва уларни молиялаштириш вазифаларини амалга оширувчи алоҳида таркибий тузилма ташкил этиш;

икки ой муддатда Ўзбекистон Республикаси Адлия вазирлиги ҳузуридаги Давлат хизматлари агентлиги ва Давлат солиқ қўмитаси билан биргаликда ягона платформа интеграциясини амалга ошириш орқали ёшларга ўз бизнесини йўлга кўйишда “ягона дарча” тамойили асосида хизмат кўрсатишни йўлга кўйиш;

ёшларнинг энг самарали лойиҳаларини “франшиза” усулида республика бўйлаб кенг тарғиб қилиши ва амалга ошириш чораларини кўриш;

худудларда ташкил этиладиган “**Ёшлар саноат ва тадбиркорлик зоналари**”да ёшларнинг тадбиркорлик лойиҳаларини молиялаштиришга алоҳида эътибор қаратиш тавсия қилинсин.

7. АТ “Халқ банки”га:

банк ходимларининг тадбиркор ёки тадбиркорлик фаолияти билан шуғулланиш истагида бўлган хотин-қизлар билан **манзилли ишлаш механизмини яратиш** ва уларга банк томонидан ишлаб чиқилган лойиҳалар бўйича **бизнес-режаларни тузишда** кўмаклашиш;

хотин-қизларни тадбиркорликка алоҳида ўқув дастури бўйича ўқитиш тизимини йўлга кўйиш ҳамда ўқитиш натижаларига кўра уларга тадбиркорлик фаолияти билан шуғулланиш учун кредит ажратилишида амалий кўмаклашиш;

тажрибали тадбиркор хотин-қизларни бириктириш орқали **тадбиркорлик кўнималарига** ўргатиш;

хотин-қизларнинг тадбиркорлиги учун кредит ажратилгандан сўнг уларнинг **бизнесини ривожлантиришга** ҳар томонлама амалий ёрдам бериб бориш;

“бизнес инкубатор” лойиҳаси самарадорлигини ошириш, муваффақиятли лойиҳаларни кенг жорий этиш механизмини ишлаб чиқсан ҳолда унинг тизимли ишлашини таъминлаш тавсия этилсин.

Бунда юқорида қайд этилган вазифалар бошқа ташкилотлар, шу жумладан, халқаро молия институтлари ва нодавлат нотижорат ташкилотлар билан ҳамкорликда амалга оширилади.

8. Ўзбекистон Республикаси Тикланиш ва тараққиёт жамғармаси Фарғона ва Наманган вилоятлари ҳокимликлари ҳамда ваколатли тижорат банкларининг буортманомалари асосида **бир ҳафта муддатда ҳар бир вилоят учун муҳандислик-коммуникация тармоқларини ривожлантиришга 30 млн АҚШ долларига, тадбиркорлик фаолиятини ривожлантиришга 30 млн АҚШ долларига тенг маблағ ажратилишини таъминласин.**

9. Ўзбекистон Республикаси Бандлик ва меҳнат муносабатлари вазирлиги Республика комиссияси билан биргаликда Ўзбекистон Республикаси Президентининг “Камбағал ва ишсиз фуқароларни тадбиркорликка жалб қилиш, уларнинг меҳнат фаоллигини ошириш ва касб-хунарга ўқитишига қаратилган ҳамда аҳоли бандлигини таъминлашга оид қўшимча чора-тадбирлар тўғрисида” 2020 йил 11 августдаги ПҚ-4804-сон қарорига мувофиқ ташкил этилган касб-хунарга ўқитиши марказларида аҳолини тадбиркорликка ўқитиши жараёнлари самарали мувофиқлаштирилишини таъминласин.

10. Тижорат банкларига “маҳаллабай” ишлаш тизимиға жалб этилган ўз ходимларининг бириктирилган маҳаллалардаги фаолияти натижаларидан келиб чиқиб, уларни моддий рағбатлантириб бориш тавсия этилсин.

11. Ўзбекистон Республикаси Ахборот технологиялари ва коммуникацияларини ривожлантириш вазирлиги манфаатдор вазирликлар ва идоралар билан биргаликда **уч ой муддатда “маҳаллабай” ишлаш тизимининг электрон базаси ишлаб чиқилишини таъминласин ҳамда ўзаро интеграциялашган ахборот алмашинуви тизими фаолиятини йўлга қўйсин.**

12. Вазирлар Маҳкамасининг 2018 йил 7 июндаги 433-сон қарори билан тасдиқланган Ўзбекистон фермер, дехқон хўжаликлари ва томорқа ер эгалари кенгashi хузуридаги Фермер, дехқон хўжаликлари ва томорқа ер эгаларини қўллаб-қувватлаш жамғармаси тўғрисидаги низомнинг 17-банди учинчи хатбошисига “Томорқа хизмати” МЧЖларга” сўзларидан кейин “ва қишлоқ хўжалиги кооперативларига” сўзлари қўшилсин.

13. Мазкур қарорнинг бажарилишини назорат қилиш Ўзбекистон Республикаси Бош вазирининг молия-иқтисодиёт ва камбағалликни қисқартириш масалалари бўйича ўринбосари – иқтисодий тараққиёт ва камбағалликни қисқартириш вазири Ж.А. Кўчқоров зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2021 йил “19” мартағи 152-сон қарорига
1-илова

**Республика ҳудудларида “маҳаллабай” ишлаш тизимини ташкил этиш
бўйича республика комиссияси
ТАРКИБИ**

- | | |
|----------------------|---|
| С.М. Холхўжаев | — Ўзбекистон Республикаси иқтисодий тараққиёт ва камбағалликни қисқартириш вазирининг биринчи ўринbosари, <i>республика комиссияси раҳбари</i> |
| Б.Э. Захидов | — Ўзбекистон Республикаси Марказий банки раисининг биринчи ўринbosари, <i>республика комиссияси раҳбари</i> |
| Н.Б. Хусанов | — Ўзбекистон Республикаси бандлик ва меҳнат муносабатлари вазири |
| А.И.Икрамов | — Ўзбекистон Республикаси Савдо-саноат палатаси раиси |
| А.Ж. Ортиков | — Ўзбекистон Республикаси Давлат активларини бошқариш агентлиги директори |
| Ф.К. Умаров | — Ўзбекистон Республикаси Давлат солиқ қўмитаси хузуридаги Кадастр агентлиги директори |
| Г.М. Маруфова | — Ўзбекистон Республикаси маҳалла ва оиласи қўллаб-кувватлаш вазирининг биринчи ўринbosари |
| Д.К. Адилов | — Ўзбекистон Республикаси қурилиш вазирининг биринчи ўринbosари |
| С.И. Саифназаров | — Ўзбекистон Республикаси уй-жой коммунал хизмат кўрсатиш вазирининг биринчи ўринbosари |
| А.Б. Воитов | — Ўзбекистон Республикаси инвестициялар ва ташқи савдо вазирининг биринчи ўринbosари |
| Ш.Ш. Мирзаев | — Ўзбекистон Республикаси қишлоқ хўжалиги вазирининг ўринbosари |
| Қ.Х. Тапаров | — Ўзбекистон Республикаси молия вазирининг ўринbosари |
| А.И. Икрамов | — Ўзбекистон Республикаси ички ишлар вазирининг ўринbosари |
| Ш.Ҳ. Ходжаев | — Ўзбекистон Республикаси энергетика вазирининг ўринbosари |
| А.Э. Файзибаев | — Ўзбекистон Республикаси Давлат солиқ қўмитаси раисининг ўринbosари |
| С.Ғ. Ашуроев | — Ўзбекистон Республикаси Ёшлар ишлари агентлиги директорининг биринчи ўринbosари |
| Б.И. Ахмедов | — Ўзбекистон Республикаси Иқтисодий тараққиёт ва камбағалликни қисқартириш вазирлиги хузуридаги Тадбиркорликни ривожлантириш агентлиги директори вазифасини бажарувчи |
| <i>Рўйхат бўйича</i> | — давлат улушига эга бўлган тижорат банклари раислари |

Изоҳ. Республика комиссияси аъзолари бошқа ишга ўтган тақдирда, унинг маркибига уибу лавозимга янгидан тайинланган ёки тегишили функцияларни бажарии зиммасига юкланган шахслар киритилади.

Вазирлар Маҳкамасининг
2021 йил “19” мартағи 152-сон қарорига
2-илова

**“Маҳаллабай” ишлаш тизимини ташкил этиш
ва амалга ошириш түғрисида
ВАҚТИНЧАЛИК НИЗОМ**

1-боб. Умумий қоидалар

1. Ушбу Вактинчалик низом маҳаллаларнинг “ўсиш нуқталари”ни аниқлаш, мавжуд муаммоларни ҳал этиш орқали аҳолини касб-хунарга ўқитиш, бандлигини таъминлаш ва тадбиркорликка жалб этиш, “драйвер” лойиҳаларни амалга ошириш бўйича республика ва худудий давлат бошқаруви органлари ҳамда тижорат банкларининг ўзаро яқин ҳамкорликдаги “маҳаллабай” ишлаш тизимини ташкил этиш ва амалга ошириш тартибини белгилайди.

2. Ушбу Вактинчалик низомда қуйидаги асосий тушунчалар қўлланилади:

“маҳаллабай” ишлаш тизимининг бўғинлари – Республика худудларида “маҳаллабай” ишлаш тизимини ташкил этиш бўйича республика комиссияси (кейинги ўринларда – Республика комиссияси), Қорақалпоғистон Республикаси Вазирлар Кенгаши, вилоятлар, туман (шаҳар)лар ҳокимликлари, мувофиқлаштирувчи гуруҳлар, бошқарувофислари ва доимий вакиллар;

Республика комиссияси – худудларда “маҳаллабай” ишлаш тизимини ташкил этиш ва амалга ошириш бўйича давлат органлари ва ташкилотлари фаолиятини мувофиқлаштириб борувчи коллегиал орган;

доимий вакил – Республика комиссиясининг қарори билан ҳар бир маҳаллага тижорат банкларининг туман (шаҳар) филиалларидан доимий асосда бириктирилган масъул ходим;

бошқарув офиси – Қорақалпоғистон Республикаси, вилоятлар, туманлар, шаҳарлар худудларини комплекс ижтимоий-иқтисодий ривожлантириш бўйича секторлар (кейинги ўринларда – секторлар) хузурида Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимларининг қарори билан ташкил этилган республика ва худудий давлат бошқаруви органлари ҳамда тижорат банклари раҳбарлари ва ходимларидан иборат бошқарув офиси;

мувофиқлаштирувчи гурух – туман (шаҳар) ҳокимининг молия-иқтисодиёт ва камбағалликни қисқартириш масалалари бўйича биринчи ўринбосари раҳбарлик қиласиган гурух;

маҳалла паспорти – Республика комиссияси томонидан намунавий шакл асосида тасдиқланадиган маҳалла ҳудудида жойлашган хонадонлар, уларда яшовчи аҳоли таркиби, ижтимоий соҳа объектлари, мавжуд ресурслар, ер майдонлари, бўш бино ва иншоотлар, инфратузилма объектлари, шунингдек, фаолият юритаётган тадбиркорлар тўғрисидаги асосий маълумотларни ўз ичига қамраб олган йиғма жадвал;

маҳаллани ривожлантириш йўналишлари – Республика комиссияси томонидан намунавий шакл асосида тасдиқланадиган мавжуд ресурслар, инфратузилма ва ишчи кучидан фойдаланган ҳолда маҳалла ҳудудида имконияти мавжуд соҳаларда “драйвер” лойиҳалар амалга ошириладиган “йўл харитаси”.

3. “Маҳаллабай” ишлаш тизимини ташкил этиш ва амалга ошириш ушбу Низомга иловада келтирилган схема бўйича амалга оширилади.

2-боб. “Маҳаллабай” ишлаш тизимини ташкил қилиш ва амалга оширишнинг асосий йўналишлари

4. Куйидагилар “Маҳаллабай” ишлаш тизимининг асосий йўналишлари ҳисобланади:

a) маҳаллаларнинг “ўсиши нуқталари” ва “драйвер” лойиҳаларни аниқлаш йўналишида:

маҳаллалардаги хонадонлар, оиласлар, аҳоли сони, ёш ва гендер таркиби, банд бўлганлар ва ишсизлар сони, уларнинг мутахассисликлари ва касб малакаси, маҳалла фаоллари, мактабгача таълим, ўрта ва ўрта маҳсус профессионал таълим муассасалари, касб-хунар мактаблари, коллежлар ва техникумлар, ўқув марказлари, ер майдони, томорқа ерлар, бўш бино ва иншоотлар, инфратузилма объектлари (газ, электр энергияси, ичимлик ва оқова сув тизимлари, йўл), тадбиркорлар сони ва уларнинг фаолият тури тўғрисидаги маълумотларни ўз ичига қамраб олган маҳалланинг паспортини ишлаб чиқиш;

маҳаллалардаги мавжуд имкониятлар, хомашё ресурслари, инфратузилма ҳолати, ишчи кучининг ихтисослашуви ва сифатидан келиб чиқсан ҳолда ҳар бир маҳаллани ривожлантириш йўналишларини ишлаб чиқиш;

маҳаллаларни ривожлантириш йўналишларидан келиб чиқиб, уларнинг ихтисослашуви аниқлаш ва “драйвер” лойиҳалар рўйхатини шакллантириш;

маҳаллаларда ишлаб чиқариш инфратузилмасини ривожлантириш йўналишларини белгилаш;

асбоб-ускуналар, меҳнат қуроллари харид қилиш бўйича таъминотчи корхоналар рўйхатини, жойларда тадбиркорлик ва ўзини ўзи банд қилиш фаолиятини бошламоқчи бўлган ишсизлар рўйхатини тузиш;

б) аҳолини тадбиркорликка жалб этиши ва бандлигини таъминлаш иўналишида:

тадбиркорлик фаолияти билан шуғулланиш истагини билдирган аҳолига оилавий тадбиркорликни ривожлантириш дастурлари доирасида кредитлар ажратиш ҳамда тадбиркорлик фаолиятини йўлга кўйишида ҳар томонлама амалий ёрдам кўрсатиш;

оилавий тадбиркорликни ривожлантириш дастурлари доирасида маҳалла аҳолисига ажратилган кредитларнинг натижадорлиги мониторингини олиб бориш;

тадбиркорлик субъектларининг мавжуд муаммоларини жойига чиқсан ҳолда аниқлаш ва тезкорлик билан ҳал этиш чораларини кўриш, уларнинг фаолиятини кенгайтириш учун зарур шарт-шароитлар яратиш;

бўш бино ва ер участкаларини аниқлаш, улардан самарали фойдаланиш ва тадбиркорлик субъектларига бериш мақсадида аукцион савдоларига чиқариш чораларини кўриш;

маҳаллалардаги банд бўлмаган аҳолини касб-хунар ва тадбиркорлик кўнималарига ўргатишни ташкил этиш орқали уларнинг бандлигига кўмаклашиш;

банд бўлмаган аҳолини тадбиркорликка ва ўзини ўзи банд қилиб ишлаш фаолиятига жалб қилиш;

ёшларнинг тадбиркорлик ташаббуслари ва стартап гояларини янада кувватлашга қаратилган кредитлар ажратиш;

устоз-шогирд анъанаси асосида банд бўлмаган аҳолини улар яшаётган туман (шаҳар) ва маҳаллада фаолият кўрсатаётган корхоналар ҳамда хунармандларга бириктириш;

в) маҳалладаги муаммоларни ҳал этиши иўналишида:

“Темир дафтар”, “Аёллар дафтари” ва “Ёшлар дафтари”га киритилган фуқароларнинг муаммоларини ўрганиб, уларга аниқ иўналишлар (касб-хунарга ўқитиш, иш билан таъминлаш, тадбиркорликка жалб этиш, моддий ёрдам бериш) бўйича манзилли кўмаклашиш;

аҳолини камбағалликдан чиқариш дастурларини шакллантириш ва уларнинг ижросини ташкил этиш;

ижтимоий муҳофазага муҳтоҷ аҳоли қатламларини ҳар томонлама кўллаб-кувватлаш, уларга муносиб турмуш шароитлари яратиш, моддий, психологик, хуқуқий ёрдам кўрсатиш бўйича аниқ амалий чораларни амалга ошириш;

“Беш муҳим ташаббус” доирасида ёшлар ва аёлларнинг бандлигини таъминлаш ҳамда бўш вақтини мазмунли ўтказиш чораларини кўриш;

маҳаллаларда инфратузилма ҳолатини яхшилаш ҳамда ижтимоий соҳа обьектларидан самарали фойдаланиш юзасидан таклифлар тайёрлаш;

маҳалла паспортидаги мезонлар асосида “қизил”, “сариқ” ҳамда “яшил” худудларга ажратган ҳолда барча маҳаллаларни “яшил” худудга ўтказиш чораларини кўриш.

5. Ҳар бир маҳаллада тижорат банклари туман (шаҳар) филиаларидан бириктирилган бир нафар ходим доимий вакил сифатида фаолият юритади ва куйидаги вазифаларни амалга оширади:

аҳолининг даромад манбаларини, шу жумладан, норасмий даромадга эга бўлган тадбиркор оиласиарни “хонадонбай” ўрганиш;

банд бўлмаган аҳолининг, хусусан, ёшлар ва хотин-қизларнинг касб-хунар ва тадбиркорлик кўникмаларини ўрганишга бўлган эҳтиёжини аниқлаб, тегишли таклифларни **мувофиқлаштирувчи гурухга** тақдим этиб бориш;

аҳолининг бизнес билан шуғулланиш истагини ўргатиб уларнинг тадбиркорлик фаолиятини бошлашига, шу жумладан, ёшларнинг тадбиркорлик ташаббуслари ва стартап ғояларини амалга оширишига кўмаклашиш;

ўрганишлар асосида маҳаллаларнинг паспортларини шакллантириш ва уларни ҳар чоракда янгилаб бориш;

маҳалладаги тадбиркорларнинг мавжуд муаммоларини “мижозбай” ўрганиб бартараф этиш ва улар фаолиятини кенгайтириш юзасидан амалий ёрдам кўрсатиш бўйича таклифларни бошқарув оғиси ва **мувофиқлаштирувчи гурухга** тақдим этиб бориш;

маҳаллада фойдаланишга топширилган лойиҳалар ва оиласиий тадбиркорликни ривожлантириш дастурлари доирасида маҳалла аҳолисига ажратилган кредитларнинг натижадорлиги ҳамда самарадорлигини ўрганиш ва мониторингини олиб бориш;

фуқаролар йиғини раиси ва маҳалла фаоллари билан доимий мулоқотда бўлиш, маҳаллани ривожлантириш ва аҳолини доимий даромад билан таъминлаш борасида бошқарув оғисига таклифлар киритиб бориш.

6. Доимий вакил ўзига юклangan вазифаларни тўлақонли бажаришда куйидаги ҳуқуқларга эга:

маҳалла ва оиласи қўллаб-куватлаш бўлими ходимлари, ички ишлар органлари таянч пункти профилактика (катта) инспекторлари, туман (шаҳар)даги ваколатли давлат ташкилотлардан маҳалла паспортини шакллантириш ва маҳаллани ривожлантириш йўналишларини аниқлаш учун зарур бўлган очик маълумотларни сўраб олиш (фуқароларнинг шахсга доир маълумотлари, тижорат сирини ташкил қилувчи ва қонунчилик ҳужжатларига мувофиқ фойдаланиш чекланган маълумотлар бундан мустасно);

маҳалла фуқаролар йиғини раиси ва маҳалла фаоллари билан биргалиқда уйма-уй юриб, банд бўлмаган аҳолини, хусусан, ёшлар ва аёлларни касб-хунарга ўргатиш ва тадбиркорлик кўникмаларига ўқитиш билан боғлиқ талабини ўрганиш;

банд бўлмаган аҳолини, хусусан, ёшлар ва хотин-қизларни тадбиркорлик фаолиятига кенг жалб этиш, уларнинг бизнес лойиҳаларини ишлаб чиқиш ҳамда тадбиркорлик ташаббуслари ва стартап ғояларини янада қўллаб-кувватлаш масалалари бўйича Савдо-саноат палатасининг туман (шаҳар) тадбиркорликка кўмаклашиш марказлари вакилларини жалб этиш;

аниқланган муаммоларни ҳал этиш учун тегишлилиги бўйича туман (шаҳар) ташкилотларининг ходимлари ва фуқаролар йигини раисларини жалб этиш;

маҳалла аҳолисининг муаммолари ва таклифларини жойида мухокама қилиш ва ҳал этиш мақсадида бошқарув оғиси ёки мувофиқлаштирувчи гуруҳ аъзолари билан учрашувлар (мулоқотлар) ташкил этиш;

7. Ўзига юклangan вазифаларни амалга оширишда доимий вакил қуидаги талабларга қатъий равишда риоя этиши зарур:

уйма-уй юриш орқали аҳоли ва тадбиркорларнинг муаммоларини ўрганиш жараёнида карантин ва санитария-гигиена қоидалари талабларига қатъий риоя этиш;

аҳоли ва тадбиркорлар билан учрашувлар (мулоқатлар)да жинси, ирқи, миллати, тили, дини, ижтимоий келиб чиқиши, эътиқоди, шахси ва ижтимоий мавқеидан қатъи назар уларнинг шаъни ва обрўсига путур етказмаслик;

кундалик иш вақтидан ташқари ҳамда дам олиш ва тушлик вақтларида фуқароларни безовта қилмаслик, уйма-уй юриш орқали аҳоли билан учрашувлар (мулоқотлар)да фақат уй эгасининг рухсати билан турар жойига кириш, аудио ва видеоёзув, шунингдек, фотосуратга олиш;

иш жараёнида фуқаронинг шахсга оид маълумотларини бошқа фуқароларга ошкор этмаслик;

маҳалла аҳолиси ва тадбиркорларни уларнинг муаммоларини мухокама қилиш назарда тутилмаган тадбирлар ва йиғилишларга жалб этмаслик.

8. Туман (шаҳар)лардаги секторлар хузурида ташкил этиладиган бошқарув оғиси қуидаги вазифаларни амалга оширади:

маҳаллаларда “драйвер” соҳаларни ривожлантириш учун ишлаб чиқилган янги лойиҳалар рўйхатини шакллантириш, маҳаллаларни комплекс ривожлантиришга доир “йўл харитаси”ни ишлаб чиқиш;

маҳаллаларнинг иқтисодий салоҳияти ва “драйвер” соҳалардан келиб чиқиб истиқболли тадбиркорлик лойиҳалари рўйхатини шакллантириш ҳамда уларга лойиҳаолди ҳужжатларини ишлаб чиқишида амалий кўмаклашиш;

мавжуд талабдан келиб чиққан ҳолда хизматлар соҳасини ривожлантириш бўйича ташаббускорлар билан бирга янги лойиҳаларни шакллантириш;

тадбиркорлик субъектлари муаммоларини аниқлаш ва уларнинг ечими бўйича таклифларни туман (шаҳар) мувофиқлаштирувчи гуруҳига тақдим этиб бориш;

маҳаллаларни ижтимоий-иктисодий ривожлантириш бўйича ишлаб чиқилган дастурлар ижросининг доимий мониторингни олиб бориш ва натижалари бўйича туман (шаҳар) мувофиқлаштирувчи гуруҳига тақлифларни мунтазам тақдим этиб бориш;

аҳоли хонадонларида ва маҳаллий тадбиркорлар томонидан ишлаб чиқарилаётган ёки етишитираётган маҳсулотлар турлари, сифати ва ҳажмини ошириш мақсадида тегишли соҳа мутахассисларини (шу жумладан, вақтинчалик меҳнат шартномалари асосида) жалб қилиш;

хар ҳафтада амалга оширилаётган ишларни муҳокама қилиб бориш ва натижалари бўйича мувофиқлаштирувчи гуруҳга маълумот бериб бориш;

хизмат кўрсатиш ва ҳунармандчилик лойиҳаларини аниқлаш ҳамда уларга аҳолини жалб этиш мақсадида касбий кўнкимларга ўқитиши ва малакасини оширишнинг асосий йўналишларини белгилаш;

аҳоли томорқаларига хизмат кўрсатиш йўналишлари ҳамда уларга кўмак берувчи “Томорқа хизмати” МЧЖлар рўйхатини аниқлаш, зарур инфратузилмани (уруг етказиб бериш, ветеринария, ўсимликларни ҳимоя қилиш) ташкил этиш чораларини кўриш;

худудларнинг ихтисослашувидан келиб чиқиб янги лойиҳаларни амалга ошириш учун бўш турган ерлардан самарали фойдаланиш, жумладан, уларни аукционга чиқаришни ташкил этиш;

маҳаллалар бўйича аҳолини камбағалликдан чиқариш ҳамда эҳтиёжманд аҳолининг ижтимоий ҳимоясини кучайтиришнинг манзилли чораларини амалга ошириш.

9. Мувофиқлаштирувчи гуруҳ қуйидаги вазифаларни амалга оширади:

хар бир маҳалла ва туман (шаҳар)ни ижтимоий-иктисодий ривожлантириш ҳамда аҳолини камбағалликдан чиқариш чора-тадбирлар дастурларини ишлаб чиқиш, уларни халқ депутатлари туман (шаҳар) Кенгашига тақдим этиш ва ижросини назорат қилиш;

хар бир фуқаролар йиғини раиси, маҳаллалар фаоллари иштирокида бошқарув оғислари ва доимий вакиллар томонидан амалга оширилган ишлар бўйича уларнинг ахборотларини эшлиши ва халқ депутатлари туман (шаҳар) Кенгашига ҳисобот бериб бориш;

маҳаллаларнинг “ўсиш нуқталари”ни (ихтисослашув йўналишларини) аниқлаш ва янги тадбиркорликни, шу жумладан, “драйвер” лойиҳаларни амалга оширишда ташаббускорларга кўмаклашиш ва шу орқали иқтисодий ўсишни таъминлаш;

бошқарув оғиси ва маҳаллаларга бириқтирилган доимий вакиллар томонидан маҳаллада аниқланган муаммоларни жойида бартараф этиш;

аҳолининг хоҳиши асосида касб-ҳунар ва тадбиркорлик кўнкимларига ўқитиши ташкил этиш, мавжуд бўш (вакант) иш ўринларига ишга жойлашишга кўмаклашиш;

банд бўлмаган аҳолини, хусусан, ёшлар ва хотин-қизларни тадбиркорлик фаолиятига кенг жалб этиш, уларнинг бизнес лойиҳаларини ишлаб чиқиш ҳамда тадбиркорлик ташаббуслари ва стартап ғояларини янада қўллаб-куватлашга қаратилган кредитлар олишига кўмаклашиш;

бошқарувофиси, доимий вакил ва маҳалла фуқаролар йигини раислари фаолияти самарадорлигини мунтазам равишда ўрганиб бориш ҳамда уларнинг ўзаро яқин ҳамкорлигини таъминлаш;

бошқарувофиси, доимий вакил ва маҳалла фуқаролар йигини таклифлари асосида маҳаллаларда инфратузилма обьектларини қуриш, реконструкция қилиш ва таъмирлаш ишларини режалаштириш ва молиялаштириш манбаларини ҳал этиш;

жойларда тадбиркорлик фаолиятига тўсиқ бўлаётган муаммоларни (ер ажратиш, лицензия ва рухсатномаларни расмийлаштириш, бўш биноларни бериш, инфратузилма тармокларига уланиш, кредит ажратиш ва б.) аниқлаш ҳамда уларни тезкорлик билан ҳал этиш;

ижтимоий-иқтисодий ривожлантириш дастурларига киритилган инвестиция лойиҳалари ўз вақтда амалга оширилишини таъминлаш ва мониторинг олиб бориш;

маҳаллаларда “драйвер” лойиҳалар амалга оширилишини мувофиқлаштириб бориш.

3-боб. “Маҳаллабай” ишлаш тизимини мувофиқлаштириш ва назорат қилиш

10. Туман (шаҳар) секторлар раҳбарлари “маҳаллабай” ишлаш тизимини самарали ташкил этишга шахсан масъул бўлиб, куйидаги вазифаларни амалга оширади:

бошқарувофислари ишини ташкил қилиш, бириктирилган ҳар бир маҳалла бўйича масъулларнинг самарали фаолият юритишини таъминлаш;

ҳар бир маҳаллага бириктирилган доимий вакиллар фаолиятини мувофиқлаштириб бориш;

тадбиркорларнинг фаолиятидаги мавжуд муаммоларни бартараф қилиш, уларнинг фаолиятини кенгайтириш ҳамда “драйвер” лойиҳаларнинг амалга оширилишини доимий назорат қилиш;

“Темир дафтари”, “Аёллар дафтари” ва “Ёшлар дафтари”га киритилган фуқаролар билан якка тартибда шуғулланиб, уларнинг ўз хоҳиши асосида касб-хунар ва тадбиркорлик кўнималарига ўқитиш, меҳнат билан бандлигини таъминлаш, тадбиркорликка ва ўзини ўзи банд қилиб ишлаш фаолиятига жалб қилиш ва ижтимоий ҳимояга муҳтоҷ қатламларига моддий ёрдам кўрсатиш;

амалга оширилган ишлар тўғрисида халқ депутатлари туман (шаҳар) Кенгашларида ҳисобот берив бориш.

11. Қорақалпоғистон Республикаси Вазирлар Кенгашы Раисининг биринчи ўринбосари, вилоятлар ва Тошкент шаҳар ҳокимининг молия-иқтисодиёт ва камбағалликни қисқартириш масалалари бўйича биринчи ўринбосарлари туман (шаҳар)ларда “маҳаллабай” ишлаш тизимини мувофиқлаштириб бориш бўйича қуидаги вазифаларни амалга оширади:

иқтисодиёт, инвестиция, қурилиш, қишлоқ хўжалиги соҳалари, республика ва ҳудудий давлат бошқаруви органлари ҳамда тижорат банклари фаолиятида ўзаро яқин ҳамкорликдаги “маҳаллабай” ишлаш тизимини ташкил этиш;

маҳаллаларга бириктирилган доимий вакиллар, бошқарув оғислари, туман (шаҳар) мувофиқлаштирувчи гуруҳларининг фаолияти мониторингини олиб бориш ва уларнинг фаолияти самарадорлигини ошириш бўйича амалий чоралар кўриб бориш;

маҳаллаларни ривожлантириш йўналишлари асосида ишлаб чиқилган комплекс дастурлар ижросини назорат қилиш;

мувофиқлаштирувчи гуруҳлар томонидан аниқланган аҳоли ва тадбиркорлик субъектларининг ҳудудий даражадаги муаммоларини тезкорлик билан бартараф этиш чораларини кўриш;

аҳоли истаклари асосида ҳудуддаги муваффақиятли фаолият юритаётган тадбиркорлар ва ҳунармандларни мотивацион курслар, касб-хунар ва тадбиркорлик кўникмаларига ўқитиш жараёнларига таклиф этиш;

ўз ҳудудида бандлиги таъминланмаган ёшларнинг мутахассислиги бўйича бошқа туман (шаҳар)лардаги ташкилотларда мавжуд бўш (вакант) иш ўринларига ишга жойлашишига кўмаклашиш;

ҳар бир туман (шаҳар)нинг иқтисодий салоҳияти ва “драйвер” соҳаларидан келиб чиқиб истиқболли тадбиркорлик лойиҳалари амалга оширилишини таъминлаш;

“маҳаллабай” ишлаш бўйича туман (шаҳар)ларда амалга оширилаётган ишлар натижалари бўйича ҳар ойда Қорақалпоғистон Республикаси Жўқорғи Кенгеси, ҳалқ депутатлари вилоятлар ва Тошкент шаҳар Кенгашларида ҳисбот бериб бориш.

12. Ҳудудларда “маҳаллабай” ишлаш тизимини ташкил этиш бўйича Республика комиссиясининг вазифалари қуидагилардан иборат:

“маҳаллабай” ишлаш тизимини жорий этиш, Қорақалпоғистон Республикаси Вазирлар Кенгашы Раисининг биринчи ўринбосари, вилоятлар ва Тошкент шаҳар ҳокимининг молия-иқтисодиёт ва камбағалликни қисқартириш масалалари бўйича биринчи ўринбосарлари, мувофиқлаштирувчи гуруҳлар, бошқарув оғислари ва доимий вакиллар иш фаолиятини ташкил этишга методологик кўмаклашиш;

“маҳаллабай” ишлаш тизимига жалб этилган республика ва ҳудудий давлат бошқаруви органлари ҳамда тижорат банклари ходимларини ўқитиш ва малакасини ошириш ишларини ташкил этиш;

маҳалла паспорти ва маҳаллани ривожлантириш йўналишларининг намунавий тузилмасини ҳамда маҳаллада сўров асосида ўрганиш учун саволнома ишлаб чиқиш;

мувофикаштирувчи гурухлар, бошқарув оғислари ва доимий вакиллар томонидан амалга оширилган ишлар самарадорлиги ва амалий натижаларидан келиб чиқиб уларни рағбатлантириш ёки масъулиятини ошириш чораларини кўриш;

мувофикаштирувчи гурухлар томонидан тақдим этилган республика даражасидаги муаммоларни ҳал этиш чораларини кўриш;

“маҳаллабай” ишлаш тизимининг барча бўғинлари ўртасида ахборот алмашинувини таъминлайдиган, маҳаллалар паспортлари ва ривожлантириш йўналишлари тўғрисидаги маълумотларни қамраб олувчи ягона электрон платформани ишлаб чиқишни таъминлаш.

4-боб. Маҳалла паспортини ва ривожлантириш йўналишларини ишлаб чиқиш тартиби

13. Доимий вакил фуқаролар йиғини раиси ва маҳалла фаоллари билан биргаликда Республика комиссияси тасдиқлайдиган намунавий шакл асосида уйма-уй ўрганиш ўтказган ҳолда, **маҳалла паспорти** ва янги лойиҳа тақлифларини ишлаб чиқади ҳамда тасдиқлаш учун бошқарув оғисига тақдим этади.

14. Бошқарув оғиси уч кун муддатда туман (шаҳар)даги ваколатли давлат ташкилотлари билан биргаликда маҳалла паспортига киритилган маълумотларнинг ҳаққонийлигини текширади ва тасдиқлаб фуқаролар йиғинига юборади.

15. Бошқарув оғиси доимий вакил билан биргаликда тасдиқланган маҳалла паспорти маълумотлари асосида ўн кун муддатда Республика комиссияси тасдиқлайдиган намунавий шакл бўйича **маҳаллани ривожлантириш йўналишларининг комплекс дастурларини** ишлаб чиқади ҳамда “драйвер” лойиҳалар рўйхатини шакллантиради.

Бунда заруратга кўра, тегишлилиги бўйича туман (шаҳар) ташкилотлари раҳбарлари ва ходимлари жалб этилиши мумкин.

16. Маҳаллани ривожлантириш йўналишлари бўйича ишлаб чиқилган комплекс дастурлар ва “драйвер” лойиҳалар рўйхати мувофикаштирувчи гурухга тақдим этилади.

17. Мувофикаштирувчи гурух **икки ҳафта муддатда** маҳаллани ривожлантириш йўналишлари асосида ишлаб чиқилган комплекс дастурларни тасдиқлаш учун ҳалқ депутатлари туман (шаҳар) Кенгашига тақдим этади.

18. Ҳалқ депутатлари туман (шаҳар) Кенгаши томонидан тасдиқланган маҳаллани ривожлантириш йўналишлари асосида ишлаб чиқилган комплекс дастурлар доимий вакиллар, бошқарув оғислари, мувофикаштирувчи гурух ва фуқаролар йиғинлари раисларига ижро учун юборади.

5-боб. Маҳаллаларда аниқланган муаммоларни ҳал этиш тартиби

19. Доимий вакил аниқланган муаммоларни тегишлилиги бўйича туман (шаҳар) ташкилоти ходимлари, фуқаролар йигини раислари ва маҳалла фаолларини жалб қилиш орқали ҳал этиш чораларини кўради.

Маҳалла даражасида бартараф этиш имкони бўлмаган масалалар бошқарувофисига тақдим этилади.

20. Бошқарувофиси икки кун муддатда масалани ижобий ҳал этиш чораларини кўради.

Бошқарувофиси даражасида ҳал этиш имкони бўлмаган масалалар мувофиқлаштирувчи гурухга тақдим этилади.

21. Мувофиқлаштирувчи гурух икки кун муддатда масалани жойига чиққан ҳолда ўрганиб, уни ҳал этиш чораларини кўради.

Туман (шаҳар) даражасида ҳал этиш имкони бўлмаган масалалар Қорақалпоғистон Республикаси Вазирлар Кенгаши Раисининг биринчи ўринbosари, вилоятлар ва Тошкент шаҳар ҳокимларининг молия-иқтисодиёт ва камбағалликни қисқартириш масалалари бўйича биринчи ўринbosарларига тақдим этилади.

22. Маҳалларда аниқланган муаммолар ва уларнинг ҳал этилганлиги тўғрисидаги маълумотларнинг барчаси маҳалла фуқаролар йигини раислари томонидан юритиладиган “Қайд этиш дафтари”га киритиб борилади.

23. Фуқаролар йигини раислари томонидан юритиладиган “Қайд этиш дафтари”нинг намунавий шакли Республика комиссияси томонидан тасдиқланади.

24. Ҳал этиш имкони бўлмайдиган тизимли (қўшимча маблағ, вақт ва ўрганишлар талаб қиласидиган) муаммолар бўйича уларни ҳал этиш даражасига қараб мувофиқлаштирувчи гурух туман (шаҳар), худудий, республика “йўл хариталари”ни ишлаб чиқади ҳамда Қорақалпоғистон Республикаси Вазирлар Кенгаши, вилоятлар, туманлар (шаҳар)лар ҳокимликларига тасдиқлашга киритади.

Бунда республика даражасида кўриб чиқиладиган муаммолар бўйича ишлаб чиқилган “йўл хариталари” Республика комиссиясига киритилади.

25. Республика комиссияси, Қорақалпоғистон Республикаси Вазирлар Кенгаши, вилоятлар, туманлар (шаҳар)лар ҳокимлеклари:

уч кун муддатда “йўл хариталари”га киритилган масалалар бажарилишига тўсқинлик қилаётган муаммолар ва омилларни тегишлилиги бўйича республика ва худудий давлат бошқаруви органлари ҳамда тижорат банклари раҳбарлари билан биргаликда кўриб чиқишни ташкил этади;

бир ҳафта муддатда ҳал этиш имкони бўлмайдиган тизимли (қўшимча маблағ, вақт ва ўрганишлар талаб қиласидиган) муаммолар бўйича аниқ ижрочилар, муддатлар ва бажариш механизми кўрсатилган ҳолда “йўл хариталари”ни тасдиқлайди ва ижро учун тақдим этади.

26. Республика ва худудий давлат бошқаруви органлари ҳамда тижорат банклари раҳбарлари “йўл хариталари”да кўрсатилган муаммолар бажарилиши ва ижроси ҳолати тўғрисидаги маълумотларни **ҳар икки ҳафтада** тегишлилиги бўйича Республика комиссиясига ҳамда Қорақалпоғистон Республикаси Вазирлар Кенгаши, вилоятлар, туманлар (шаҳар)лар ҳокимликларига киритиб боради.

27. Мувофиқлаштирувчи гурӯҳ **ҳар икки ҳафтада** “йўл харитаси”га киритилган муаммолар бўйича амалга оширилаётган ишлар тўғрисидаги маълумотларни Қорақалпоғистон Республикаси Вазирлар Кенгаши, вилоятлар, туманлар (шаҳар)лар ҳокимликларига тақдим этиб боради ҳамда ҳал этилган муаммолар бўйича маълумотлар **икки кун** муддатда “Қайд этиш дафтари”га киритилишини таъминлайди.

6-боб. “Маҳаллабай” ишлаш тизимини амалиётга жорий этишда ваколатли давлат ташкилотлар билан ўзаро ҳамкорлик қилиш

28. Мувофиқлаштирувчи гурӯҳ “маҳаллабай” ишлаш тизимини амалиётга самарали жорий этиш мақсадида бошқарув оғислари ва доимий вакилларнинг қуидаги йўналишларда ваколатли давлат ташкилотлари билан ўзаро ҳамкорлик қилишини таъминлайди:

a) “Темир дафтар”, “Аёллар дафтари” ва “Ёшлар дафтари”га киритилган фуқаролар билан ишлашда:

иқтисодий тараққиёт ва камбағалликни қисқартириш бўлимлари;

маҳалла ва оилани қўллаб-қувватлаш бўлимлари, Хотин-қизлар жамоатчилик кенгашлари, маҳаллаларда ташкил этилган “Аёллар маслаҳат кенгашлари”;

Ёшлар ишлари агентлигининг худудий бўлимлари;

Аҳоли бандлигига кўмаклашиш марказлари билан;

б) янги лойиҳаларни ишлаб чиқиши ва амалга оширишида:

тижорат банклари;

Савдо-саноат палатасининг туман (шаҳар) тадбиркорликка кўмаклашиш марказлари;

Ўзбекистон Республикаси Бош вазирининг Тадбиркорлар мурожаатларини қўриб чиқиш қабулхоналари хузуридаги Тадбиркорларнинг жамоатчилик кенгашлари билан;

в) муаммоларни аниқлаш ва ҳал қилишида:

Ўзбекистон Республикаси Президентининг туман (шаҳар)лардаги Халқ қабулхоналари;

Ўзбекистон Республикаси Бош вазирининг Тадбиркорлар мурожаатларини кўриб чиқиш қабулхоналари;

Савдо-саноат палатасининг туман (шаҳар) тадбиркорликка кўмаклашиш марказлари;

адлия бўлимлари билан;

г) аҳолини касб-хунар ва тадбиркорликка ўқиттишида:

аҳоли бандлигига кўмаклашиш марказлари;

иқтисодий тараққиёт ва камбағалликни қисқартириш бўлимлари;

Савдо-саноат палатасининг туман (шаҳар) тадбиркорликка кўмаклашиш марказлари;

маҳаллалардаги ўқув масканлари, нодавлат ва нотижорат ўқув марказлари;

ўрта ва ўрта маҳсус профессионал таълим муассасалари, касб-хунар мактаблари;

коллежлар ва техникумлар, ўқув марказлари билан ўзаро ҳамкорлик қилинади.

29. Ушбу Вақтинчалик низомнинг 28-бандида кўрсатилган йўналишларда ваколатли давлат ташкилотлари бошқарув оғиси ва доимий вакилларга мунтазам равишда ҳар томонлама методик ва амалий ёрдам кўрсатади, заруратга кўра малакали мутахассисларни вақтинчалик уларга бириктиради.

7-боб. Якунловчи қоидалар

30. Республика комиссияси ушбу Вақтинчалик низом талабларига риоя этилиши устидан назорат олиб боради.

31. Ушбу Вақтинчалик низом талаблари бузилишида айбдор бўлган шахслар қонунчилик хужжатларига мувофиқ жавоб берадилар.

“Маҳаллабай” ишлаш тизимини ташкил этиш
ва амалга ошириш тұғрисидаги вәқтінчалик низомга
илова

**“Маҳаллабай” ишлаш тизимини ташкил этиш ва амалга ошириш
СХЕМАСИ**

Масъул	Таркиби	Вазифалари
<p>Маҳаллага бириктирилган доимий вакил <i>(Республика комиссиясы томонидан тасдиқланады)</i></p>	<p>Тижорат банкларининг туман (шаҳар) филиалидан бириктирилган масъул ходим</p> <p><i>Маҳаллага бириктирилган доимий вакил ўзиган юкланды вазифаларни маҳалла раиси ва фаоллари, ички ишилар органдар таянч пункти профилактика (катта) инспекторлари билин бергаликда амалга oshiради</i></p>	<p>1. Маҳаллаларни ижтимоий-иктисодий ривожлантириш комплекс дастурини ишлаб чиқып жараёнида: “хонадонбай” ўрганиш орқали аҳолининг даромад манбаларини, шу жумладан, норасмий даромадга эга бўлган тадбиркорларни ўрганиш; банд бўлмаган аҳолининг, хусусан, ёшлар ва хотин-қизларнинг касб- хунар ва тадбиркорлик кўникмаларига ўргатиш билан боғлиқ талабини аниқлаш;</p> <p>маҳалладаги тадбиркорларнинг муаммоларини “мижозбай” ўрганиш ва улар фаолиятини кенгайтириш юзасидан таклифларни туман (шаҳар) мувофиқлаштирувчи гуруҳларига тақдим этиш;</p> <p>маҳаллани ривожлантириш ва аҳолини доимий даромад билан таъминлаш борасида бошқарув оғисларига таклифлар киритиш.</p> <p>2. Маҳаллани ижтимоий-иктисодий ривожлантириш дастурини амалга ошириш жараёнида: банд бўлмаган аҳолини, хусусан, ёшлар ва хотин-қизларни ўқитиши бўйича таклифларни туман (шаҳар) мувофиқлаштириш гурухига ҳар икки ҳафтада киритиб бориш;</p> <p>аҳолининг бизнес билан шуғулланиш хоҳиш-истагини ўрганганды холда уларнинг тадбиркорлик фаолиятини бошлашига, шу жумладан, бизнес лойиҳаларини амалга оширишига кўмаклашиш;</p> <p>маҳаллада фойдаланишга топширилган лойиҳалар натижадорлиги ва самарадорличини ўрганиш ва мониторинг олиб бориш.</p>

Бошқарув оғиси
(*Қорақалпогистон Республикаси Вазирлар Кенгаси, вилоятлар ва Тошкент шаҳар ҳокимининг қарори билан ташкил этилади)*

Республика ва худудий давлат бошқаруви органлари ҳамда тижорат банкларининг раҳбарлари ва ходимлари

Туман (шаҳар) мувофиқлаштирувчи гурухи
(*Республика комиссияси томонидан тасдиқланади*)

1. Туман (шаҳар) ҳокимларининг иқтисодий масалалари бўйича биринчи ўринбосарлари
2. Республика комиссияси томонидан тасдиқланган мувофиқлаштирувчи гурух аъзолари

Мувофиқлаштирувчи гурух заруратга кўра боиқа мутахассисларни ҳам жалб қилиши ваколатига эга.

Ҳар бир маҳалла учун:

иктисодий салоҳияти ва “драйвер” соҳалардан келиб чиқиб истиқболли тадбиркорлик лойиҳалари рўйхатини шакллантириш;

истиқболли лойиҳаларни амалга ошириш юзасидан чора-тадбирларни белгилаш ва лойиҳаолди хужжатларни ишлаб чиқишида амалий кўмаклашиш;

тадбиркорлик субъектлари муаммоларини аниқлаш ва уларни ҳал қилиш бўйича таклифларни туман (шаҳар) мувофиқлаштирувчи гурухига киритиб бориш;

маҳаллаларни ижтимоий-иктисодий ривожлантириш дастурлари ижросини доимий мониторинг қилиш ва натижалари бўйича туман (шаҳар) мувофиқлаштирувчи гурухига тегишли таклифларни мунтазам киритиш;

хонадонларда ва маҳаллий тадбиркорлар томонидан ишлаб чиқарилаётган маҳсулотлар турлари, сифати ва ҳажмини ошириш мақсадида тегишли соҳа мутахассисларини (шу жумладан, вақтингчалик меҳнат шартномалари асосида) жалб қилиш;

1. Бошқарув оғиси, доимий вакил ва фуқаролар йигини раислари фаолияти самарадорлигини мунтазам равишда ўрганиб бориш ҳамда уларнинг ўзаро яқин ҳамкорлигини таъминлаш

2. Бошқарув оғислари ва маҳаллага биректирилган доимий вакиллар томонидан маҳаллада аниқланган муаммоларни жойида бартараф этиш.

3. Аҳолининг ўз хоҳиши асосида касб-хунар ва тадбиркорлик кўнималарига ўқитишини ташкил этиш, мавжуд бўш (вакант) иш ўринларига ишга жойлашишга кўмаклашиш.

4. Жойларда тадбиркорлик фаолиятига тўсиқ бўлаётган (ер ажратиш, курилиш учун рухсат бериш, лицензия олиш, бўш бино ва ер майдонларини ажратиш, коммуникацияга уланиш) муаммоларни тезкорлик билан ҳал этиш.

5. Ҳар бир маҳалла ва туман (шаҳар)нинг ижтимоий-иктисодий ривожлантириш дастурини ишлаб чиқиш ва халқ депутатлари туман (шаҳар) Кенгашига тақдим этиш.

Қорақалпоғистон Республикаси Вазирлар Кенгаши Раисининг биринчи ўринбосари, вилоятлар ва Тошкент шаҳар ҳокимининг молия-иктисодиёт ва камбағалликни қисқартириш масалалари бўйича биринчи ўринбосарлари

1. Қорақалпоғистон Республикаси Вазирлар Кенгаши Раисининг биринчи ўринбосари, вилоятлар ва Тошкент шаҳар ҳокимининг молия-иктисодиёт ва камбағалликни қисқартириш масалалари бўйича биринчи ўринбосарлари
2. Республика ва худудий давлат бошқаруви органлари ҳамда тижорат банкларининг раҳбарлари

Худудларда “маҳаллабай” ишлаш тизимини ташкил этиш бўйича Республика комиссияси

1. С.М.Холхўжаев – иқтисодий тараққиёт ва камбағалликни қисқартириш вазирининг биринчи ўринбосари, республика комиссияси раҳбари
2. Б.Э.Захидов – Марказий банк раисининг биринчи ўринбосари, республика комиссияси раҳбари
3. Республика комиссия аъзолари

1. Республика ва худудий давлат бошқаруви органлари ҳамда тижорат банкларининг ўзаро яқин ҳамкорликдаги “маҳаллабай” ишлаш тизимини ташкил этиш.

2. Мувофиқлаштирувчи гурухлар томонидан аниқланган аҳоли ва тадбиркорлик субъектларининг худудий даражадаги муаммоларини тезкорлик билан бартараф этиш.

3. Ўз худудида бандлиги таъминланмаган ёшларнинг мутахассислиги бўйича бошқа туман (шаҳар)ларда ташкилотлардаги мавжуд бўш (вакант) иш ўринларига ишга жойлашишига кўмаклашиш.

4. Ҳар бир туман (шаҳар)нинг иқтисодий салоҳияти ва “драйвер” соҳаларидан келиб чиқиб истиқболли тадбиркорлик лойиҳаларини амалга оширилишини таъминлаш.

1. Жойларда “маҳаллабай” ишлашнинг янги тизимини жорий этиш, мувофиқлаштирувчи гурухлар, бошқарув оғислари ҳамда маҳаллага бириктирилган доимий вакилларнинг ишларини мувофиқлаштириш.

2. “Маҳаллабай” ишлашнинг янги тизимига жалб этилган давлат бошқаруви органлари ҳамда тижорат банкларининг ходимларини ўқитиш ва малакасини ошириш ишларини ташкил этиш.

3. Жойлардаги мувофиқлаштирувчи гурухлар, бошқарув оғислари ҳамда маҳаллага бириктирилган доимий вакиллар томонидан амалга оширилган ишлар самарадорлиги ва натижадорлигидан келиб чиқиб улар фаолиятини назорат қилиб бориш ва баҳо бериш.

4. Уч ой муддатда “маҳаллабай” тизимининг электрон базасини ишлаб чиқишини таъминлаш.

